

Aktuells ausn Vorein

Unser Vürstand hat siech seit dor letztn Sitzing intensiv mit dor Vürbereiting unnerer Wahl am 15.1.26 befasst.

De Termine forn Gahrabschluss sei aa schu bestimmt wurn:

7.1.26 Revision dor Finanzn, Kass un Konto

8.1.26 Vorstandsitzung mit Auswertung 2025

Planunge for 2026

Auswahl for de nächste Ausfahrt

Vorbereiting Ablauf Wahl

15.1.26 Hauptvorsammlung un Wahl

Rückblicke 2025

Aa de klen Dingle im Labn,
kenn jedn Glicksgefiehle gaben.
Mor muss net viel besitzn,
net immer dorreicht mor Spitzn.
Desserwagn beginn när langsam
un immer wieder vu vorne,



wenn de mol wos net dorreichst,
hab när kenn Zorn.
Sei stolz of de klenntn Schritt.
Denn weder huch noch tief
sei de goldne Mitt!



FAHRDIENST

Wer am 15.01.26 abgeholt und wieder nach Hause gefahren werden will, der möchte bis 17.00 Uhr anrufen:

Karin Bauer

Tel.-Nr.: 3641



Unner Blatt`l



Nummer
250

Mitteilungsblatt des
Erzgebirgischen Heimatvereines
Eibenstock e.V.

Januar
2026



Dor Rainer - unner Starfotograf schu seit vieln Gahrn!

De Märchnweihnacht un unnere Weihnachtsfeier



De Märchnweihnacht 25 – schu wieder vorbei, schu wieder Geschicht! Su schnellabich is unnere Zeit, esu vorgieht Gahr for Gahr un nu is schu 2026 do! Unner Weihnachtsmarkt war of jeden Fall wieder racht schie. Is Freitichprogramm hat zwar net grod jedn gefalln, aber de Geschmäcker sei halt vorschiedn. Dodorfier war dor Imzuch aber wieder e voller Dorfolk, alle Leit ham siech ieber unnere Mär-



chnbildung gefreit! Ganz besonnersch war halt aa dor Auftritt vun Schneebarger Musikkorps of unnerer Bühne. Un wie immer aa is Arzgebirgsangsambl mit mein besonnern Freind Steffen Kindt hat wieder orndlich Weihnacht beschert. Dor Carlsfaller Thomas mit seiner Mannschaft samt ne Florian an dor Zither war dor Superabschluss vun Sunnobnd!



De Tanz- un Gesangskinner am Sunntich ham aa esu richtich schie of des Weihnacht eigestimmt. Unnere Leit in dor Bud hattn genuch ze tu – mir kenne uns närr bei alln bedankn, die do kräftich mitgezugh ham. Dor Zuspruch for unnern Gliehweih un den „Wurzlrudis Schlummertrunk“ hat for in gutn Imsatz




Wir gratulieren unseren Heimatfreunden

Sylvia Windisch am 01.01. zum 67. Geburtstag
Ulli Limpert am 06.01. zum 69. Geburtstag
Heidi Gruszyinsky am 06.01. zum 67. Geburtstag
Susanne Stark am 08.01. zum 72. Geburtstag
Matthias Barth am 17.01. zum 69. Geburtstag
Cornelia Oeser am 18.01. zum 60. Geburtstag
Uwe Staab am 22.01. zum 64. Geburtstag
Ute Haese am 24.01. zum 78. Geburtstag
Ursula Hahn am 25.01. zum 75. Geburtstag
Martina Wiech am 25.01. zum 68. Geburtstag
Andrea Barth am 27.01. zum 67. Geburtstag
Siegfried Schmidt am 27.01. zum 87. Geburtstag
Bärbel Radecker am 29.01. zum 79. Geburtstag



„Nicht der Mensch hat am meisten gelebt,
welcher die höchsten Jahre zählt,
sondern derjenige, welcher
sein Leben am meisten empfunden hat.

~ Jean-Jacques Rousseau ~



**Jahreshaupt-
versammlung & Wahl
am 15. Januar 2026, 18.00
in dor Imbiss-Stub
an dor Vodlstroß**

Unner Voreins-Fosnd

- vielleicht wieder mit nern Märchn?
Donnerstich ne 12.02., 18.00 Uhr
in dor Imbiss-Stub an dor Vodlstroß



Mannerschnuppn

Su e richtscher Mannerschnuppn

haut sugar in Ochsn im:

*Dor Körper zittert, Schwaafausbrich,
Tudeskampf, Delirijim...*


*Gegn den is nicht vorgleichbar,
net emol ne Mehrgeburt
oder in Trip durch Satans Höll,
klingt des aa noch su absurd*

*Wurd mor mol vun ihm befalln,
hilft närr noch is Hospital;
ne gruße eichne Pfleger-Staffl
mit nern eichne Kranknsaal.*

*Aa e Testament ze machn,
wäre emol empfelswert,
denn nooch sölche Schnuppnqualn
wärn schu viel net hamgekehrt*

*Solltn mir des trotzdam schaffn
un dor Tid blebt uns dorspart,
kaa des närr an dar Sach liegn:
Kerle sei doch werklich hart!*

Hans Soph



gesorcht, do kenne mir ganz zefriedn sei, dor Eisatz hat siech geluhnt. Dor beste Abschluss warn wieder mol de schen Klängle vu dor Kirch runner, natierlich mit unnern gutn Posaunechor. Un wenn de Manner noocherts vu do ubn runner komme, do is des nu schu zen richtchn Ritual wurn:



An Maantich ham dann noch emol alle mitgeholfn un allis im Museum wieder sauber un orndlich an sein Platz gebracht. Tja, do kaa mor närr sogn: mir sei of jedn Fall aa wieder bei dor Märchnweihnacht 2026 dorbei!

Des vorspricht eich allemol dor Schmidtli



De letztn Getränke un Bemme gehärn nu mol den Bläsern! Do wern de letztn Troppn aus de Kiebln gelei nei de Bacher gekippt! Dann gieht aa schu is zamreime vu dor Bud lus. Die muss esu wieder hargericht warn, wie mor se am Freitich iebenumme ham.. De ganze Deko muss do e paar Haiser wetter neins Museum gefahrn un getrogn warn. De Kass hob iech mit eham genumme, do missn ja de Pfeng noch gezählt warn...



... un nu noch e paar Wort zur schenn Feier!

De Weihnachtsfeier is trotz dare Vorschiebing im ne Woch zerick aa wieder ze aller Zefriednaat gut gelunge, glaab iech zemindst. Wie halt immer, kame allesamt mit ihre klenn Geschenkpackle aa, die zen Schluss per Los imvortaalt wurn sei. Aber zenächst hat siech dor Vürstand bei all dene bedankt, die ständig ewos dorledign müssn: alle



Fahrer un Blattlasträcher ham in Gutschein kricht forn Besuch im Feldschlössl bein Rüff. Un noocherts gobs aa schu wos guts ze assn – wie immer e sehr gut aagerichts Biffee. Währnds uns gut geschmeckt hat, kame aa schu de Leit von Zschorlauer Haamitspiegl samt dor ehemal-



schn Musiklehrerin an dor Eimstocker Schul, de Petra Bartella. Nu, un war die noch vu frieher kennt, dar wass wos do lustichs lusgieht! Die ham uns mit ihrn fein Gesang schiene arzgebirgsche Weihnachtsliedle präsentiert un aa noch zwee klaane Geschichtn vun Kempf, Wern – vu dor Petra eweng ogewannlt – sehr schie vürgespielt! Alle ham do gelauscht un mitgelacht, kaaner hat zwischneigelatscht (wie sinst manichsmol). Besonnersch aa



des gunge Maadl, die de Pfeng vu dor Mutter, dor Om un dor Urom eitreibn tat, hat gezeichnet, bei wem is Gald halt eweng lockerer steckt. Un erscht de Gaststätt samt dor Raamachfraa war gut riebergebracht. Gelei dornooch gobs de Verlusung dor Packle un is grüße Auspackn. Jeds hat ewos schiens klaans halt kricht, of jedn Fall hatts wieder Spaß gemacht, su sölls ja a



sei. Noch racht lang sei e schiens paarle sitzgebliebn un ham noch dies un jens belatscht. Su is unner Voreinsgahr 25 schließlich ausgange un mir freie uns of neie Hutznobnde mit viel leberraschunge im neie – hoffnlich friedlchn zweetausndsechsezwanzich!

Alles Gute dodorzu wünscht eich dor Schmidti samt in Vürstand!!!